

Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalerinissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiffigisassaatur siunnersuut. Misissuineq ukioq 2019 naatinnagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq. (Inatsisartunut ilaasortaq, Doris J. Jensen, Siumut)

Akissuteqaat

(Peqqissutsimut Ilaqutariinnermut Inatsisinillu Atuutsitsinermut Naalakkersuisoq)

Aappassaaneerneqarnera

Naalakkersuisut Ilaqutariinnermut Peqqissutsimullu ataatsimiititaliaq siunnersuut pillugu suliaqar-simaneranut qujapput.

Naalakkersuisut maluginiarpaat Ilaqutariinnermut Peqqissutsimullu Ataatsimiititaliaq allannguutissatut siunnersuummik ingerlatitseqqisimasoq, tassanilu erseqqissumik nalunaarutigineqanngitsoq nalunaarusiaq nunaqarfinni ikiueqqaarnernik pisariaqartitsinerup qulaajarneqarnissaannik. Taamaattumik Naalakkersuisut naatsorsuutigaat aalangiiffigisassatut siunnersuutip siullertut siunertaqartoq, tassalu nunaqarfinni pisariaqartitat misissorneqarnissaanut tunngalluni. Naalakkersuisut ataatsimiititaliap allannguutissatut siunnersuutaa aamma oqaaseqaatit allat tusaatissatut tiguaat.

Taamatut oqaaseqarlunga siunnersuut Inatsisartuni suliassanngortillugu ingerlateqqippara.